




ХАРИЛЦАА ХОЛБООНЫ ЗОХИЦУУЛАХ ХОРОО

ГОВЬ-АЛТАЙ, ГОВЬСҮМБЭР, ДУНДГОВЬ, СЭЛЭНГЭ АЙМГИЙН НУТАГ
ДЭВСГЭРТ АРИЛЖААНЫ ТЕЛЕВИЗИЙН ҮЙЛЧИЛГЭЭ ЭРХЛЭХ ТУСГАЙ
ЗӨВШӨӨРӨЛ ОЛГОХ НЭЭЛТТЭЙ СОНГОН ШАЛГАРУУЛАЛТЫН БАРИМТ БИЧИГ

ДУГААР: АрТВ-Орон нутаг-2026

СОНГОН ШАЛГАРУУЛАЛТЫН ЗОРИЛГО, ҮНДЭСЛЭЛ

Өргөн нэвтрүүлгийн тухай хууль 2019 оны 12 дугаар сарын 12-ны өдөр батлагдаж, 2020 оны 7 дугаар сарын 01-ний өдрөөс хүчин төгөлдөр мөрдөгдөж эхэлснээр өргөн нэвтрүүлгийн үйлчилгээ эрхлэх зөвшөөрлийн төрөл ангилал, үйлчилгээ эрхлэх тусгай зөвшөөрөл олгох эрхзүйн үндсийг тодорхойлж, өргөн нэвтрүүлгийн үйлчилгээ, радио, телевизийн хөтөлбөрт хууль, журамд заасан үзүүлэлтээр шаардлага тавих хууль эрхзүй, зохицуулалтын орчин бүрдсэн.

Харилцаа холбооны зохицуулах хороо нь уг хуулийн 30 дугаар зүйлийн 30.1.9¹-д заасан эрх, үүргийн хүрээнд тухайн жилд олгох өргөн нэвтрүүлгийн үйлчилгээ эрхлэх тусгай зөвшөөрлийн тоог өргөн нэвтрүүлгийн зах зээлийн багтаамж, хүн амын тоо, нягтрал, эрэлт хэрэгцээ, өрсөлдөөний нөхцөл байдлын талаарх судалгаанд үндэслэн тогтоодог бөгөөд Зөвшөөрлийн тухай хуулийн 5.6 дугаар зүйлийн 1² дэх хэсэг, Өргөн нэвтрүүлгийн тухай хуулийн 7 дугаар зүйлийн 7.4.5³ дахь заалт, 10 дугаар зүйлийн 10.6⁴ дахь заасны дагуу арилжааны радио, телевиз, өргөн нэвтрүүлгийн радио, телевиз, олон суваг дамжуулах үйлчилгээ, радио телевизийн газрын сүлжээний үйлчилгээ эрхлэх тусгай зөвшөөрлийг нээлттэй сонгон шалгаруулалтаар олгож байна.

Иймд тус хорооны 2026 оны 06 дугаар сарын 23-ны өдрийн 76 дугаар тогтоол⁵-ыг үндэслэн Зөвшөөрлийн тухай хууль, Өргөн нэвтрүүлгийн тухай хууль болон холбогдох бусад хууль, тогтоомжийг баримтлан зохион байгуулахаар “Говь-Алтай, Говьсүмбэр, Дундговь, Сэлэнгэ аймгийн нутаг дэвсгэрт арилжааны телевизийн үйлчилгээ эрхлэх тусгай зөвшөөрөл олгох нээлттэй сонгон шалгаруулалт”-ын баримт бичгийг батлав.

¹ Өргөн нэвтрүүлгийн зах зээлийн багтаамж, хүн амын тоо, нягтрал, эрэлт хэрэгцээ, өрсөлдөөний нөхцөл байдлын талаарх судалгаанд үндэслэн тусгай зөвшөөрлийн тоог тогтоох;

² Энэ хуулийн 8.1 дүгээр зүйлийн 1 дэх хэсгийн 1.8, 1.15, 1.23, 1.24, 1.25, 1.29 дэх заалт, 6 дахь хэсгийн 6.12 дахь заалтад заасан тусгай зөвшөөрлийг дуудлага худалдааны журмаар, 8.1 дүгээр зүйлийн 1 дэх хэсгийн 1.18 дахь заалт, 5 дахь хэсгийн 5.1 дэх заалт, 8 дахь хэсгийн 8.14, 8.28, 8.29 дэх заалт, 9 дэх хэсгийн 9.2, 9.6, 9.7, 9.8, 9.9, 9.10, 9.11 дэх заалт, 11 дэх хэсгийн 11.1, 11.9, 11.12 дахь заалт, 12 дахь хэсгийн 12.1, 12.2, 12.14 дэх заалтад заасан тусгай зөвшөөрлийг сонгон шалгаруулалтын журмаар олгоно.

³ энэ хуулийн 6.1.3, 6.1.6-д зааснаас бусад төрлийн өргөн нэвтрүүлгийн үйлчилгээний тусгай зөвшөөрлийг нээлттэйгээр сонгон шалгаруулах;

⁴ Зохицуулах хороо Зөвшөөрлийн тухай хуулийн 8.1 дүгээр зүйлийн 9.2, 9.6, 9.7, 9.9-д заасан тусгай зөвшөөрлийг сонгон шалгаруулалтаар олгоно.

⁵ Нээлттэй сонгон шалгаруулалтаар олгох тусгай зөвшөөрлийн тоо батлах тухай.

НЭГ. СОНГОН ШАЛГАРУУЛАЛТЫН УРИЛГА

ГОВЬ-АЛТАЙ, ГОВЬСҮМБЭР, ДУНДГОВЬ, СЭЛЭНГЭ АЙМГИЙН НУТАГ ДЭВСГЭРТ АРИЛЖААНЫ ТЕЛЕВИЗИЙН ҮЙЛЧИЛГЭЭ ЭРХЛЭХ ТУСГАЙ ЗӨВШӨӨРӨЛ ОЛГОХ НЭЭЛТТЭЙ СОНГОН ШАЛГАРУУЛАЛТЫН УРИЛГА

Зарласан огноо: 2026 оны 08 дугаар сарын 19-ний өдөр

Нээлттэй сонгон шалгаруулалтын дугаар: **АрТВ-Орон нутаг-2026**

Зөвшөөрлийн тухай хуулийн 5.6 дугаар зүйлийн 1 дэх хэсэг, Өргөн нэвтрүүлгийн тухай хуулийн 7 дугаар зүйлийн 7.4.5 дахь заалт, 10 дугаар зүйлийн 10.6 дахь хэсэг, Харилцаа холбооны зохицуулах хорооны 2026 оны 76, 101 дүгээр тогтоолыг⁶ тус тус үндэслэн Арилжааны телевизийн үйлчилгээ эрхлэх тусгай зөвшөөрлийг дараах хамрах хүрээнд олгохоор нээлттэй сонгон шалгаруулалт зарлаж байна. Үүнд:

№	Өргөн нэвтрүүлгийн үйлчилгээний төрөл	Өргөн нэвтрүүлгийн үйлчилгээний хамрах хүрээ	Тусгай зөвшөөрлийн олгох хугацаа	Олгох тусгай зөвшөөрлийн тоо
1	Арилжааны телевизийн үйлчилгээ эрхлэх тусгай зөвшөөрөл	Говь-Алтай	5 жил	1
2		Говьсүмбэр		1
3		Дундговь		1
4		Сэлэнгэ		1

Нээлттэй сонгон шалгаруулалтад оролцох саналыг хүлээн авах эцсийн хугацаа:

[2026 оны 09 дүгээр сарын 28 -ны өдрийн 11:00 цаг]

Нээлттэй сонгон шалгаруулалтад ирүүлсэн саналыг нээх хугацаа:

[2026 оны 09 дүгээр сарын 28 -ны өдрийн 11:30 цаг]

Нээлттэй сонгон шалгаруулалтад оролцохыг хүссэн этгээд нь Говь-Алтай, Говьсүмбэр, Дундговь, Сэлэнгэ аймгийн нутаг дэвсгэрт **“Арилжааны телевизийн үйлчилгээ эрхлэх тусгай зөвшөөрөл олгох нээлттэй сонгон шалгаруулалтын баримт бичиг”**-ийг тус хорооны www.crc.gov.mn сайтаас татах болон хариуцсан мэргэжилтэнд хандан авах боломжтой.

Сонирхсон этгээд сонгон шалгаруулалттай холбоотой бусад мэдээллийг албан бичгээр Зохицуулах хорооны сонгон шалгаруулалтын үнэлгээний ажлын хэсэгт хаяглан ирүүлнэ үү.

Шуудангийн хаяг: **Харилцаа Холбооны Зохицуулах Хороо**

Метро бизнес төв А-блок 5 давхар, Сүхбаатар дүүрэг,

Д.Сүхбаатарын гудамж -13, Улаанбаатар хот

14201-0033, Монгол Улс.

Утас: +976-11-304258, 1800-1858

⁶ Сонгон шалгаруулалтын баримт бичиг батлах тухай

ХОЁР. СОНГОН ШАЛГАРУУЛАЛТАД ОРОЛЦОГЧДОД ӨГӨХ ЗААВАРЧИЛГАА

ЕРӨНХИЙ ЗҮЙЛ

2.1. Сонгон шалгаруулалтын цар хүрээ

- 2.1.1 Энэхүү нээлттэй сонгон шалгаруулалтыг **Говь-Алтай, Говьсүмбэр, Дундговь, Сэлэнгэ** аймгийн нутаг дэвсгэрт тус тус нэг **“Арилжааны телевизийн үйлчилгээ эрхлэх”** тусгай зөвшөөрөл олгох, гэрээ байгуулахаар зохион байгуулж байна;
- 2.1.2 Нээлттэй сонгон шалгаруулалтад (цаашид “сонгон шалгаруулалт” гэх) Зөвшөөрлийн тухай хууль, Харилцаа холбооны тухай хууль, Өргөн нэвтрүүлгийн тухай хууль, болон холбогдох бусад хууль тогтоомж болон энэхүү баримт бичгийг баримтална.

2.2 Эрх бүхий оролцогч

- 2.2.1 Сонгон шалгаруулалтад Монгол Улсад бүртгэлтэй, Өргөн нэвтрүүлгийн тухай хуулийн 7 дугаар зүйлийн 7.3⁷, 7.4.3⁸-т зааснаас бусад хуулийн этгээд оролцоно;
- 2.2.2 Сонгон шалгаруулалтад дараах хуулийн этгээдийг эрх бүхий бус гэж үзнэ. Үүнд:
- (а) Өргөн нэвтрүүлгийн тухай хуулийн 7 дугаар зүйлийн 7.3 дахь хэсэг, 7.4.3-т заасан этгээдүүд;
- (б) Сонгон шалгаруулалтын санал, (цаашид “Санал” гэх) нотлох баримтыг хуурамчаар бүрдүүлсэн.

СОНГОН ШАЛГАРУУЛАЛТЫН БАРИМТ БИЧИГ (СШББ)

2.3 Саналын иж бүрдлийг бүрдүүлэх

- 2.3.1 Саналын иж бүрдлийг энэхүү сонгон шалгаруулалтын баримт бичгийн 2.6-2.9 дахь заалтын дагуу бүрдүүлэх ба маягт №5-д бүртгэж ирүүлнэ.

2.4 Сонгон шалгаруулалтын баримт бичгийг тодруулах

- 2.4.1 Оролцогч нь сонгон шалгаруулалтын баримт бичгийн талаар тодруулга, тайлбар авах шаардлагатай бол хүсэлтээ албан бичгээр Зохицуулах хорооны

⁷ 7.3.Өргөн нэвтрүүлгийн үйлчилгээ эрхлэх тусгай зөвшөөрлийг дараах этгээдэд олгохыг хориглоно:

7.3.1.төрийн байгууллага, иргэн;

7.3.2.улс төрийн нам, эвсэл, тэдгээрийн дэргэд үйл ажиллагаа явуулдаг төрийн бус байгууллага;

7.3.3.гадаадын хөрөнгө оруулалттай хуулийн этгээд;

7.3.4.шашны байгууллага;

7.3.5.төлөөлөн удирдах зөвлөл, эсхүл удирдлагын баг /захирал, дэд захирал, менежер/-ийн 30-аас дээш хувь нь гадаадын иргэн эзэлж байгаа аж ахуйн нэгж, байгууллага.

⁸ 7.4.3.радио, телевизийн газрын тоон сүлжээний үйлчилгээ болон олон суваг дамжуулах үйлчилгээ эрхлэх зөвшөөрлийг радио, телевизийн үйлчилгээ эрхлэх тусгай зөвшөөрөлтэй давхардуулан олгохгүй, эзэмшил нь тусдаа байх;

сонгон шалгаруулалтын үнэлгээний ажлын хэсэгт (цаашид “Үнэлгээний ажлын хэсэг” гэх) гэж хаяглан ирүүлнэ.

- 2.4.2 Үнэлгээний ажлын хэсэг нь санал хүлээн авах эцсийн хугацаанаас ажлын 7 (долоо)-оос доошгүй хоногийн өмнө ирүүлсэн тодруулга авах хүсэлтэд хариу өгнө.

СОНГОН ШАЛГАРУУЛАЛТЫН САНАЛ БЭЛТГЭХ

2.5 Оролцогчийн саналын үнэлгээний нөхцөл, шаардлага

- 2.5.1 Өргөн нэвтрүүлгийн тухай хуулийн 8 дугаар зүйлийн 8.1 дэх хэсэг⁹, 10 дугаар зүйлийн 10.8¹⁰ дахь хэсэгт заасны дагуу энэхүү баримт бичгийн 2.6-2.9 хүртэл нөхцөлүүдийг хангах баримт, материалыг ирүүлнэ.

2.6 Оролцогчийн саналын ерөнхий шаардлага

- 2.6.1 Сонгон шалгаруулалтад оролцох өргөдлийн маягт №1-ийн дагуу албан бичиг ирүүлнэ;
- 2.6.2 Хуулийн этгээдийн хүчин төгөлдөр дүрмийн хуулбар ирүүлнэ;
- 2.6.3 Иж бүрдлийн хүснэгтийг СШББ-ийн маягт №5-ыг бөглөж хуудасны дугаарыг үнэн зөв тэмдэглэн ирүүлнэ;
- 2.6.4 Өргөн нэвтрүүлгийн тухай хуулийн 7.3.5-д заасныг үндэслэн төлөөлөн удирдах зөвлөл, удирдлагын багийн бүрэлдэхүүний танилцуулгыг маягт №6-ын дагуу ирүүлнэ (аль улсын иргэн болохыг бичиж, гадаадын иргэн бол паспортын хуулбар, түүний албан ёсны орчуулгын баталгаажуулсан хувь);
- 2.6.5 Өргөн нэвтрүүлгийн тухай хуулийн 19.2 дахь хэсэг¹¹ заасан эзэмшлийн талаарх мэдээллийг маягт №7-ын дагуу ирүүлнэ;
- 2.6.6 Санал нь монгол хэл дээр байна. (Жич: Зөвхөн техникийн холбогдолтой зарим хавсралт материалууд англи хэл дээр байж болно. Бусад хэл дээрх материалыг монгол хэл дээр баталгаат орчуулгаар орчуулан эх хувийг хавсаргасан байна.)

⁹ 8.1.Тусгай зөвшөөрөл хүсэгч дараах нөхцөлийг хангасан байна:

8.1.1.өргөн нэвтрүүлгийн үйлчилгээ эрхлэх дунд хугацааны стратеги төлөвлөгөө боловсруулж, баталсан байх;

8.1.2.стратеги төлөвлөгөө хэрэгжүүлэхэд шаардлагатай хөрөнгө оруулалтын, хүний нөөцийн, техник технологийн болон аюулгүй ажиллагааны шаардлагыг бүрэн хангасан байх;

8.1.3.өмнө нь өргөн нэвтрүүлгийн үйлчилгээ эрхлэх тусгай зөвшөөрөл эзэмшиж байсан бөгөөд энэ хууль болон Харилцаа холбооны тухай хууль, Радио долгионы тухай хуулийг удаа дараа зөрчиж тусгай зөвшөөрлөө цуцлуулсан бол тусгай зөвшөөрлийг цуцалснаас хойш гурван жил өнгөрсөн байх.

¹⁰ 10.8.Сонгон шалгаруулалтад энэ хуульд заасан шаардлагаас гадна дараах нөхцөлийг харгалзан үзнэ:10.8.1.энэ хуулийн 8 дугаар зүйлд заасан ерөнхий шаардлага хангасан байдал;

10.8.2.өргөн нэвтрүүлгийн үйлчилгээ хүргэхээр төлөвлөсөн энэ хуулийн 8.1.1-д заасан стратеги төлөвлөгөө нь төрөөс баримтлах бодлого, энэ хуульд заасан зарчим, шаардлагыг хангасан байдал;

10.8.3.зохицуулалтын чиглэлийг хэрэгжүүлэх стратеги төлөвлөгөө, түүнийг хэрэгжүүлснээр үүсэх үр дүн;

10.8.4.үйлчилгээний төлөвлөлт, хөтөлбөр, техник, технологийн сонголт нь энэ хуулийн Тавдугаар бүлэгт заасан тавигдах шаардлагыг хангасан байдал;

10.8.5.өрсөлдөөн, зах зээлд үзүүлэх нөлөө.

¹¹ 19.2.Тусгай зөвшөөрөл эзэмшигч хуулийн этгээд нь Зохицуулах хороонд жил бүрийн 12 дугаар сарын 31-ний өдрийн дотор тусгай зөвшөөрлийн эзэмшлийн талаарх дараах мэдээллийг хүргүүлнэ:

19.2.1.тусгай зөвшөөрөл эзэмшигч хуулийн этгээдийн гаргасан хувьцааных нь тав ба түүнээс дээш хувийг эзэмшигчийн овог, эцэг /эх/-ийн нэр, нэр, компанийн эрх бүхий албан тушаалтны жагсаалт;

19.2.2.эзэмшиж байгаа өргөн нэвтрүүлгийн үйлчилгээ эрхлэх тусгай зөвшөөрлийн нэр, төрөл, тоо, үйл ажиллагааны талаарх дэлгэрэнгүй мэдээлэл;

19.2.3.өргөн нэвтрүүлгийн үйлчилгээ эрхлэх тусгай зөвшөөрөл бүхий бусад хуулийн этгээдэд эзэмшиж байгаа хувьцааны тоо, хувь хэмжээ, хэрэв нөхөрлөл бол оруулсан эд хөрөнгийн хэмжээ.

2.7 Телевизийн үйлчилгээ эрхлэх дунд хугацааны стратеги төлөвлөгөө боловсруулж, баталсан байх

2.7.1 Телевизийн үйлчилгээ эрхлэх хүний нөөц, техник, эдийн засгийн тооцоолол, өрсөлдөөн, зах зээлд үзүүлэх нөлөөллийг тооцсон судалгаа бүхий батлагдсан 5 жилийн стратеги төлөвлөгөөг Өргөн нэвтрүүлгийн тухай хуульд нийцүүлэн ирүүлэх ба түүнийг хэрэгжүүлэх хугацааны хуваарийг маягт №4-ийн дагуу ирүүлнэ.

2.8 Стратеги төлөвлөгөө хэрэгжүүлэхэд шаардлагатай хөрөнгө оруулалт, хүний нөөц, техник технологийн болон аюулгүй ажиллагааны шаардлагыг бүрэн хангасан байх

2.8.1 Үйлчилгээ эрхлэхэд шаардлагатай хөрөнгө оруулалтын эх үүсвэр, санхүүгийн чадавхыг нотлох баримтууд. Үүнд:

- а. Оролцогчийн 2024, 2025 оны жилийн эцсийн, 2026 оны эхний хагас жилийн санхүүгийн тайлан;
- б. Хөрөнгө оруулалтыг санхүүжүүлэх эх үүсвэрийг тодорхойлсон баримт, мэдээллийг ирүүлнэ;
- в. Хэрэв үйлчилгээг бусдын хөрөнгө оруулалтаар санхүүжүүлэх бол тухайн хөрөнгө оруулагчийн 2024, 2025 оны жилийн эцсийн, 2026 оны эхний хагас жилийн баталгаажсан санхүүгийн тайлан, хөрөнгө оруулахыг зөвшөөрсөн эрх бүхий албан тушаалтны шийдвэр, хөрөнгө оруулалтын гэрээ болон холбогдох бусад баримт бичиг ирүүлнэ.

2.8.2 Үйлчилгээ эрхлэхэд шаардлагатай мэргэжлийн боловсон хүчний чадавхийг нотлох баримтууд. Үүнд:

- а. Энэхүү баримт бичгийн 2.7.1-д заасан стратеги төлөвлөгөөг хэрэгжүүлэхэд шаардлагатай мэргэжлийн хүний нөөцийг бүрдүүлэх төлөвлөлтийг маягт №2-т зааснаар ирүүлнэ;
- б. Инженер техникийн ажилтнуудын, диплом, мэргэжлийн үнэмлэхний хуулбар ирүүлнэ.

2.8.3 Үйлчилгээ эрхлэхэд шаардлагатай техник, тоног төхөөрөмжийн төлөвлөлт нь үндэсний стандартуудыг /"MNS 5592-1:2012 Телевизийн студи. Үндсэн шаардлага", "MNS 5592-2 : 2016 Тоон телевизийн студи. Тоног төхөөрөмжид тавих ерөнхий шаардлага"/ хангасан байх.

- а. Студи, техник, тоног төхөөрөмжүүдийн төлөвлөлт, холболтын схем зураглал;
- б. Төлөвлөсөн техник, тоног төхөөрөмжийн үндсэн үүрэг, үзүүлэлт, зориулалтыг тодорхойлсон жагсаалтыг маягт №3-т зааснаар гаргаж ирүүлнэ.

2.9 Арилжааны телевизийн хөтөлбөрийн бодлого, төлөвлөлт нь Өргөн нэвтрүүлгийн тухай хуулийн Тавдугаар бүлэгт заасан тавигдах шаардлагыг хангасан байх

- 2.9.1 Өргөн нэвтрүүлгийн тухай хуулийн 31 дүгээр зүйлийн 31.3.2-т¹² заасан Редакцын бодлого, дүрмийг ирүүлэх ба хүүхэд хамгааллын талаар тусгасан байх;
- 2.9.2 Өргөн нэвтрүүлгийн тухай хуулийн 10.8.4, 23 дугаар зүйлийн 23.5-д заасан хөтөлбөрт тавигдах шаардлагыг хэрхэн хангаж ажиллах талаарх төлөвлөлт, хөтөлбөрийн бүтцийг ирүүлнэ.

ГУРАВ. СОНГОН ШАЛГАРУУЛАЛТЫН САНАЛ ИРҮҮЛЭХ, ХҮЛЭЭН АВАХ, ҮНЭЛЭХ

СОНГОН ШАЛГАРУУЛАЛТЫН САНАЛ ИРҮҮЛЭХ

3.1 Санал хүчинтэй байх хугацаа

- 3.1.1 Санал нээсэн өдрөөс хойш ажлын 30 [гуч] хоногийн хугацаанд хүчинтэй байна;
- 3.1.2 Үнэлгээний ажлын хэсэг нь гамшгийн болон онцгой нөхцөл байдлын улмаас санал хүчинтэй байх хугацааг сунгахаар шийдвэрлэсэн тохиолдолд бүх оролцогчдод бичгээр мэдэгдэнэ.

3.2 Санал ирүүлэх хувь, саналд гарын үсэг зурах

- 3.2.1 Оролцогч нь 2.7-2.10 дүгээр зүйлд заасан саналын иж бүрдэл болон бусад бичиг баримтын эх хувийг бэлтгэн хавтаслаж, түүнд “ЭХ ХУВЬ” гэсэн тодорхой бичиглэл хийнэ. Оролцогч нь үүнээс гадна 1 ширхэг “ЦАХИМ ХУВЬ” бэлтгэн ирүүлнэ;
- 3.2.2 Хуулийн этгээдийг итгэмжлэлгүйгээр төлөөлөх эрх бүхий этгээдээс бусад этгээд сонгон шалгаруулалтад тухайн хуулийн этгээдийг төлөөлөх бол итгэмжлэлийг эрх бүхий этгээдээс албан бичгээр авч хавсаргасан байна;
- 3.2.3 Сонгон шалгаруулалтад оролцогч зөвхөн нэг хувилбараар санал ирүүлнэ.

3.3 Саналыг битүүмжлэх, бичиглэл хийх

- 3.3.1 Оролцогч нь саналын ЭХ ХУВЬ (цаасаар) болон ЦАХИМ ХУВЬ (PDF өргөтгөлтэйгөөр зөөврийн санах ой (USB flash drive эсвэл compact disc))-ийг тус тусад нь “ЭХ ХУВЬ”, “ЦАХИМ ХУВЬ” гэсэн бичиглэл бүхий дугтуйнд хийж битүүмжлэн үнэлгээний ажлын хэсэгт **(урилгад заасан шуудангийн хаягаар)** ирүүлнэ;
- 3.3.2 ЭХ ХУВЬ болон ЦАХИМ ХУВЬ хоорондоо зөрчилдсөн тохиолдолд ЭХ хувийг баримтална;
- 3.3.3 ЭХ ХУВИЙН хуудас тус бүрийг дугаарлаж, тамга дарж баталгаажуулна;
- 3.3.4 Дугтуйнууд дээр дараах тэмдэглэгээ, бичиглэлийг хийнэ. Үүнд:
- а. Сонгон шалгаруулагч байгууллагын нэр, шуудангийн хаяг;
 - б. Сонгон шалгаруулалтын нэр, дугаар;

¹² 31.3.2. радио, телевизийн үйлчилгээ эрхлэгч нь өөрийн редакцын бодлого, дүрэмтэй байх;

- в. Сонгон шалгаруулалтын саналыг нээх **2026 оны 09 дүгээр сарын 28-ны өдрийн 11 цаг 30 минутаас өмнө** “НЭЭЖ ҮЛ БОЛНО” гэсэн бичиглэл;
- г. Сонгон шалгаруулалтад оролцогчийн нэр, шуудангийн хаяг, утас.

3.4 Санал хүлээн авах эцсийн хугацаа

- 3.4.1 Саналыг 3.3.1 заалтын дагуу битүүмжлэн, 3.3.4 заалтын дагуу тэмдэглэгээ, бичиглэлийг хийж Зохицуулах хорооны шуудангийн хаягаар, санал хүлээн авах эцсийн хугацаа **2026 оны 09 дүгээр сарын 28-ны өдрийн 11 цаг 00 минутаас** хоцроолгүйгээр ирүүлнэ;
- 3.4.2 Гамшгийн болон онцгой нөхцөл байдал үүссэний улмаас шаардлагатай гэж үзвэл санал хүлээн авах эцсийн хугацааг нэг удаа сунгаж болох бөгөөд сунгасан тухай мэдэгдлийг олон нийтэд мэдээлнэ. Ийнхүү хугацаа сунгасан тохиолдолд үнэлгээний ажлын хэсэг болон оролцогчийн эрх, үүрэг нь сунгасан хугацааны туршид хэвээр үйлчилнэ.

3.5 Сонгон шалгаруулалтын хугацаа хоцорсон санал

- 3.5.1 Үнэлгээний ажлын хэсэг нь СШББ-ийн 3.4.1-т заасан санал хүлээн авах эцсийн хугацаанаас хойш ирүүлсэн аливаа саналыг “хугацаа хоцорсон” гэж зарлан түүнээс татгалзаж, нээлгүйгээр буцаана.

СОНГОН ШАЛГАРУУЛАЛТЫН САНАЛ ХҮЛЭЭН АВАХ, НЭЭХ

3.6 Санал хүлээн авах, нээх үйл ажиллагаа

- 3.6.1 Үнэлгээний ажлын хэсэг нь саналыг 3.3.4 дэх заалтын дагуу сонгон шалгаруулалтад ирүүлсэн саналыг зөвхөн гаднах хайрцгийн битүүмжлэл, бичиглэлийг шалгаж, хүлээн авна;
- 3.6.2 Үнэлгээний ажлын хэсэг нь санал хүлээж авсан тухайгаа тэмдэглэл хөтөлж, уг саналыг хүлээлгэж өгсөн сонгон шалгаруулалтад оролцогчийн төлөөлөгчдөд танилцуулан, гарын үсэг зуруулна (маягт №8);
- 3.6.3 Үнэлгээний ажлын хэсэг нь саналыг хүлээн авах эцсийн хугацаанаас хойш 1 цагийн дотор хүлээн авсан саналуудыг оролцогчдын төлөөллийг байлцуулан нээнэ. Нээх тодорхой хугацаа, байршлыг оролцогчдод санал хүлээн авах үед мэдэгдэнэ;
- 3.6.4 Сонгон шалгаруулалтын нээлтэд оролцогчийн төлөөлөгч байлцах эрхтэй ба нээлтэд оролцоогүйгээс үүсэх хариуцлагыг үнэлгээний ажлын хэсэг хүлээхгүй;
- 3.6.5 Үнэлгээний ажлын хэсэг нь сонгон шалгаруулалтын нээлт дээр санал ирүүлсэн оролцогчдын нэрийг зарлаж, тэмдэглэл үйлдэн, оролцогчдоор гарын үсэг зуруулна (маягт №9);
- 3.6.6 Үнэлгээний ажлын хэсэг нь саналыг үнэлэх хүртэл хүлээн авсан саналын материалуудыг бүрэн бүтэн хадгална.

СОНГОН ШАЛГАРУУЛАЛТЫН САНАЛЫГ ҮНЭЛЭХ

3.7 Үнэлгээний ажлын хэсэг

- 3.7.1 Үнэлгээний ажлын хэсэг нь дарга, нарийн бичиг, гишүүдээс бүрдсэн 7-оос доошгүй сондгой тооны бүрэлдэхүүнтэй байх бөгөөд Зохицуулах хорооны даргын тушаалаар байгуулна;
- 3.7.2 Үнэлгээний ажлын хэсэг нь саналыг хүлээн авах, үнэлэх, харьцуулах болон гэрээ байгуулах эрх олгох хүртэл үүсэх харилцаанаас олж авсан бүхий л мэдээллийг задруулахыг хориглоно;
- 3.7.3 Үнэлгээний ажлын хэсэг нь нууцын баталгаа гаргана (маягт №10);
- 3.7.4 Үнэлгээний ажлын хэсэг нь сонгон шалгаруулалтын үнэлгээ, дүгнэлтийг Зохицуулах хорооны хуралд танилцуулж, шийдвэрлүүлнэ;
- 3.7.5 Оролцогчийн ирүүлсэн саналыг хянан үзэхээс өмнө ашиг сонирхлын зөрчилгүй гэдгээ илэрхийлэх, зөрчил үүссэн тухай мэдэгдэл гаргана (маягт №11);
- 3.7.6 Хэрэв үнэлгээний ажлын хэсгийн дарга, нарийн бичиг, гишүүн нь оролцогчтой ашиг сонирхлын зөрчил үүсэхээр гэж үзвэл үнэлгээний ажлын хэсэгт ажиллахаас татгалзана.

3.8 Саналыг хянан үзэх, шаардлагад нийцсэн эсэхийг тогтоох

- 3.8.1 Үнэлгээний ажлын хэсэг нь эрх бүхий оролцогчийн саналыг нарийвчлан үнэлэхээс өмнө саналын иж бүрдлийг хангасан эсэхийг СШББ-ийн маягт №5-ын дагуу хянан үзнэ;
- 3.8.2 СШББ-ийн маягт №5-д заасан иж бүрдлийг бүрэн хангаж байгаа, түүнд заасан баримт бичиг, нотлох баримт болон бусад маягтуудыг зохих ёсоор ирүүлсэн, маягтуудын агуулгад өөрчлөлт оруулаагүй саналыг ШААРДЛАГАД НИЙЦСЭН санал гэнэ;
- 3.8.3 Үнэлгээний ажлын хэсэг нь СШББ-ийн 3.8.2-т зааснаас бусад саналыг ШААРДЛАГАД НИЙЦЭЭГҮЙ гэж үзэж, уг саналыг нарийвчилсан үнэлгээнд оруулахаас татгалзана;
- 3.8.4 Үнэлгээний ажлын хэсэг нь зөвхөн СШББ-ийн 3.8.2-д заасан ШААРДЛАГАД НИЙЦСЭН гэж хянан үзсэн саналыг СШББ-ийн 3.9 дүгээр зүйлд заасны дагуу үнэлж, харьцуулна.

3.9 Саналыг үнэлэх, харьцуулах

- 3.9.1 Үнэлгээний ажлын хэсэг нь зөвхөн шаардлагад нийцсэн гэж хянан үзсэн, эрх бүхий оролцогчийн саналыг дараах үзүүлэлтүүдийн дагуу үнэлнэ. Үүнд:

СШББ №	СШББ-т тодорхойлсон нөхцөл, шаардлагууд	Үнэлгээний оноо
Өргөн нэвтрүүлгийн телевизийн үйлчилгээ эрхлэхэд шаардлагатай хүний нөөц, техник, эдийн засгийн тооцоо судалгаа бүхий батлагдсан 5 жилийн стратеги төлөвлөгөө, түүнийг хэрэгжүүлэх хөрөнгө оруулалт, санхүүгийн чадавхыг нотолсон баримтууд		
2.8.1.	Арилжааны телевизийн үйлчилгээ эрхлэхээр боловсруулсан 5 жилийн стратеги төлөвлөгөө нь Өргөн нэвтрүүлгийн тухай хуулийн 10.8.2, 10.8.5-д заасан шаардлагыг хангасан байдал, түүнийг хэрэгжүүлэх хугацааны хуваарийг маягт №4-ийн дагуу;	15 хүртэл
2.9.1 а,б,в.	Хөрөнгө оруулалтын эх үүсвэрийг хангах санхүүгийн чадавх бүрдүүлсэн байдал	20 хүртэл
2.9.2.а, б.	Хүний нөөцийн баг бүрдүүлсэн байдал	10 хүртэл
Арилжааны телевизийн үйлчилгээ эрхлэхэд шаардлагатай техникийн шаардлагыг хангасныг нотлох баримтууд		
2.9.3.а.	Студи, техник, тоног төхөөрөмжүүдийн төлөвлөлт, холболтын схем зураглал;	15 хүртэл
2.9.3.б	Төлөвлөгдсөн техник, тоног төхөөрөмжийн үндсэн үүрэг, үзүүлэлт, зориулалтыг тодорхойлсон жагсаалт,	10 хүртэл
Арилжааны телевизийн хөтөлбөрийн бодлого, төлөвлөлт нь Өргөн нэвтрүүлгийн тухай хуулийн Тавдугаар бүлэгт заасан тавигдах шаардлагыг хангасан байдал		
2.10.1	Редакцын бодлого, дүрэм	5 хүртэл
2.10.2	Өргөн нэвтрүүлгийн тухай хуулийн 10.8.4, 23 дугаар зүйл болон “Телевизийн хөтөлбөрт тавигдах шаардлага”-ыг хэрхэн хангаж ажиллах талаарх төлөвлөлт, хөтөлбөрийн бүтцийг ирүүлнэ;	25 хүртэл
Нийт оноо		100 оноо

- 3.9.2 Үнэлгээний ажлын хэсэг нь санал тус бүрийг 100 хүртэл оноогоор үнэлнэ;
- 3.9.3 Сонгон шалгаруулалтад оролцогчоос ирүүлсэн саналын үнэлгээг ажлын хэсгийн гишүүдийн дундаж оноогоор гаргаж, 80 ба түүнээс дээш оноо авсан саналыг шаардлага хангасанд тооцно;
- 3.9.4 Үнэлгээний ажлын хэсэг нь шаардлага хангасан санал ирүүлсэн оролцогчдыг авсан оноогоор нь харьцуулалт хийж, хамгийн өндөр онооноос эхлэн эрэмбэлж, жагсаалт гаргана;
- 3.9.5 Сонгон шалгаруулалтын үнэлгээ, дүгнэлтэд үнэлгээний ажлын хэсгийн бүх гишүүд гарын үсэг зурж баталгаажуулах бөгөөд эсрэг саналтай гишүүн дүгнэлтэд энэ тухайгаа тэмдэглүүлж гарын үсэг зурна;
- 3.9.6 Үнэлгээний ажлын хэсэг сонгон шалгаруулалтын нэгдсэн үнэлгээ болон дүгнэлтийг Зохицуулах хорооны хуралдаанд танилцуулж, шийдвэрлүүлнэ.

3.10 Үнэлгээний ажлын хэсэгтэй харилцах

- 3.10.1 Талууд сонгон шалгаруулалттай холбоотой аливаа асуудлаар үнэлгээний ажлын хэсэгтэй саналыг нээхээс гэрээ байгуулах эрх олгох хүртэлх хугацаанд зөвхөн бичгээр харилцана;
- 3.10.2 Саналыг үнэлэх, гэрээ байгуулах эрх олгох тухай шийдвэр гаргах явцад оролцогчоос үнэлгээний ажлын хэсэгт нөлөө үзүүлэх аливаа оролдлого нь тухайн оролцогчоос ирүүлсэн саналаас татгалзах үндэслэл болно.

3.11 Гомдол гаргах

- 3.11.1 Оролцогч нь сонгон шалгаруулалтын мэдэгдэл хүлээн авснаас хойш ажлын 5 [тав] хоногийн дотор бичгээр гомдол гаргаж болно.

ДӨРӨВ. ГЭРЭЭ БАЙГУУЛАХ ЭРХ ОЛГОХ.

ГЭРЭЭ БАЙГУУЛАХ

4.1 Гэрээ байгуулах эрх олгох шийдвэр

- 4.1.1 Үнэлгээний ажлын хэсэг нь баримт бичгийн 3.9.3-д заасны дагуу авбал зохих онооны 80 ба түүнээс дээш оноог авсан эхний оролцогчид гэрээ байгуулах эрх олгох талаарх дүгнэлтийг Зохицуулах хорооны хурлаар хэлэлцүүлж, шийдвэрлүүлнэ;
- 4.1.1. Зохицуулах хороо нь сонгон шалгаруулалтад шалгарсан оролцогчтой гэрээ байгуулах эрх олгох, бусад оролцогчдод шалгараагүй тухай мэдэгдлийг албан бичгээр хүргүүлнэ.

4.2. Гэрээнд гарын үсэг зурах

- 4.2.1 Сонгон шалгаруулалтад шалгарсан оролцогч нь гэрээ байгуулах эрх олгох тухай мэдэгдэл хүргүүлснээс хойш **ажлын 10 [арав]** өдрийн дотор тусгай зөвшөөрлийн гэрээнд гарын үсэг зурж, гэрээг эцэслэн байгуулна;
- 4.2.2 Сонгон шалгаруулалтад шалгарсан оролцогч нь гэрээ байгуулах эрх олгох тухай мэдэгдэл хүргүүлснээс хойш **ажлын 10 [арав]** өдрийн дотор тусгай зөвшөөрлийн гэрээнд гарын үсэг зурж, гэрээг эцэслэн байгуулаагүй тохиолдолд Өргөн нэвтрүүлгийн тухай хуулийн 10 дугаар зүйлийн 10.10-т заасны дагуу дараагийн хамгийн өндөр үнэлгээ авсан этгээдтэй гэрээ байгуулна.

4.3. Телевизийн үйлчилгээ эрхлэх тусгай зөвшөөрлийн нөхцөл, шаардлага, зохицуулалтын баримт бичгүүд

- 4.3.1. Оролцогч нь тухайн орон нутагт телевизийн үйлчилгээ эрхлэх тусгай зөвшөөрлийн нөхцөл, шаардлага, зохицуулалтын дараах баримт бичигтэй танилцсан байна;
- а. “Телевизийн үйлчилгээ эрхлэх тусгай зөвшөөрлийн нөхцөл, шаардлага”-ыг татаж авах боломжтой.
<https://legalinfo.mn/mn/detail?lawId=16147364164751>
- б. “Телевизийн хөтөлбөрт тавигдах шаардлага”-ыг дараах линкээр орж татаж авах боломжтой.
<https://legalinfo.mn/mn/detail?lawId=16147364173581>
- в. “Телевизээр нэвтрүүлэх зар сурталчилгааны зохицуулалтын журам”-ыг дараах линкээр орж татаж авах боломжтой.
<https://legalinfo.mn/mn/detail?lawId=16123495451291>

МАЯГТУУД

МАЯГТ №1

СОНГОН ШАЛГАРУУЛАЛТАД ОРОЛЦОХ ӨРГӨДЛИЙН МАЯГТ

ХАРИЛЦАА ХОЛБООНЫ ЗОХИЦУУЛАХ ХОРООНД

... он ... сар ... өдөр

Сонгон шалгаруулалтад оролцох тухай

Бид /сонгон шалгаруулалтад оролцогчийн нэр/, АрТВ-Орон нутаг-2026 дугаартай “..... аймгийн нутаг дэвсгэрт арилжааны телевизийн үйлчилгээ эрхлэх тусгай зөвшөөрөл олгох нээлттэй сонгон шалгаруулалт”-д оролцох хүсэлтэй байна.

Манай компани нь Зөвшөөрлийн тухай хууль, Өргөн нэвтрүүлгийн тухай хууль, холбогдох бусад хууль, тогтоомж болон арилжааны телевизийн үйлчилгээ эрхлэх тусгай зөвшөөрөл олгох энэхүү сонгон шалгаруулалтын баримт бичигтэй танилцан саналаа үнэн зөв бүрдүүлсэн болно.

Бүрдүүлсэн баримт бичигт худал, ташаа мэдээлэл орсон байвал хуулийн хариуцлагыг бид хүлээх болно.

Сонгон шалгаруулалтад оролцогчийн нэр:

Эрх бүхий албан тушаалтны гарын үсэг, тамга : _____

Албан тушаал, нэр:

Хаяг: _____

МАЯГТ №2

ТУХАЙН ҮЙЛЧИЛГЭЭ ЭРХЛЭХЭД ШААРДАГДАХ АЖИЛЛАХ ХҮЧНИЙ ТУХАЙ МЭДЭЭЛЭЛ

№	Хүний нөөцийн жагсаалт (овог нэр)	Эзэмшсэн мэргэжил	Мэргэжлийн зэрэг, дэв	Ажлын дадлага туршлага	Тайлбар
А	Удирдлагын баг 1. 2.				
Б	Инженер техникийн ажилтан (ИТА) 1. 2.				
В	Мэргэжлийн ажилчид 1. 2. 3. 4.				

Тайлбар: Дээрх хүснэгтэд дараах зүйлүүдийг хавсаргаж, тусгана:

1. Тухайн үйлчилгээг явуулахад шаардлагатай орон тоо;
2. Төгссөн сургууль, цол хэргэм; мэргэжил дээшлүүлсэн байдал;
3. Ажлын дадлага туршлага гэсэн заалтад аль байгууллагад, ямар албан тушаалд, хэдий хугацаанд ажиллаж байсан талаар тодорхой дурдах.

ТОНОГ ТӨХӨӨРӨМЖИЙН ТАЛААРХ МЭДЭЭЛЭЛ

“Телевизийн студи. 1-р хэсэг: Үндсэн шаардлага” MNS 5592-1:2012 стандартын 2.1-т **“Телевизийн студи - Төрөл бүрийн нэвтрүүлгийг бэлтгэх, бичих, боловсруулах, дамжуулах зэрэг телевизийн үйлдвэрлэл явуулах цогц техник төхөөрөмж бүхий, зайлшгүй шаардагдах нөхцлүүдийг хангасан, гадаад орчны нөлөөллөөс тусгаарлагдсан тусгайлсан объект”-ыг гэж, 3.1-т Телевизийн студийн байранд тавих шаардлагад Телевизийн студи нь дараах 3 хэсгээс (зона) бүрдэнэ:** 1. зургийн объект байрлах тайз, индэр, микрофон, камер, гэрэлтүүлгийн системээс бүрдсэн нэвтрүүлэг бэлтгэх, үйлдвэрлэл явуулах үндсэн өрөө, 2. дуу, дүрсийн мониторууд болон камеруудын удирдлага, тэдгээрийг ажиллуулах техникийн ажилтнууд болон найруулагчид байрлах удирдлага, хяналтын өрөө, 3. дуу дүрсийн тоног төхөөрөмж, техник хэрэгсэл байрлах техникийн өрөө” гэж, Тоон телевизийн студи. 2-р хэсэг: Тоног төхөөрөмжид тавих ерөнхий шаардлага MNS 5592-2 : 2016 стандартын 4.1-т **Телевизийн студид байвал зохих үндсэн тоног төхөөрөмжүүдийг тус тус заасан байдаг.**

Телевизийн хөтөлбөр бэлтгэж, нэвтрүүлэх, дамжуулахад шаардлагатай олон суваг дамжуулах сүлжээ, студи, техник тоног төхөөрөмжийг тооцож, төлөвлөсөн байх шаардлагатай болно.

Иймд дор хүснэгтэд үзүүлсэн жагсаалтын дагуу тоног төхөөрөмжийн мэдээллийг бэлтгэхдээ дурдсан стандарт, нөхцөл шаардлагуудыг сайтар судлан үйл ажиллагаандаа уялдуулан дэлгэрэнгүй байдлаар гаргана уу.

Холбогдох стандарт, нөхцөл шаардлагыг дараах линкээс үзэж төлөвлөлтөө хийх боломжтой.

Телевизийн студи. 1-р хэсэг: Үндсэн шаардлага MNS 5592-1:2012

https://estandard.gov.mn/website/masm/standards_details.aspx?code=b9635ed0-3076-45e0-bcd6-5d75613895e9

Тоон телевизийн студи. 2-р хэсэг: Тоног төхөөрөмжид тавих ерөнхий шаардлага MNS 5592-2:2016

https://estandard.gov.mn/website/masm/standards_details.aspx?code=ffd53ebe-aa11-4023-b06c-04313958a66b

Телевизийн тоон архивын стандарт MNS 6304:2012

https://estandard.gov.mn/website/masm/standards_details.aspx?code=5da591f0-c9cc-42b2-bada-4b9145ffebab

№	Ашиглагдах тоног төхөөрөмжийн жагсаалт	Тоо ширхэг (хэмжээ)	Марк, загвар	Техникийн үндсэн үзүүлэлтүүд	Үйлдвэрлэсэн улс (vendor)	Нэг бүрийн үнэ	Нийт үнэ
А	Эфирийн удирдлага хяналтын өрөөнд (master control room) байрлах үндсэн тоног төхөөрөмжийн жагсаалт (дуу, дүрсийн хяналтын систем, микшерт пультууд болон камеруудын удирдлагын блок, playout серверүүд гэх мэт бусад)						

п	*****						
Б	Телевизийн студид ашиглагдах тоног төхөөрөмжийн жагсаалт (микрофон, камерууд, суфлёр, студийн хяналтын дэлгэц, чанга яригч гэх мэт...)						

п	*****						
В	Бусад (Командын холбоо, ажлын компьютерууд, card, тог баригч, архивын систем гэх мэтбусад)						

Г	Гэрэлтүүлгийн систем						

Д	Гал унтраах систем						

Е	Студийн тоо, хэмжээ (Ашиглах студийн тооноос хамаарч доош нь цувуулж бичнэ үү.)	Студийн талбай "S" м ²	Студийн өндөр "h" м	Студийн урт, "L", м	Студийн өргөн, "B", м	Нийт хэмжээ	Нийт үнэ

МАЯГТ №4

СОНГОН ШАЛГАРУУЛАЛТЫН САНАЛ ХЭРЭГЖҮҮЛЭХ ХУГАЦААНЫ ХУВААРЬ

Хэрэгжүүлэх ажлууд	Хугацаа /сар, өдөр/				
	сар	сар	сар	сар	сар
1.					
2.					

Тайлбар: Ажлын нэрийг нарийвчилсан задаргаатай гаргана.

МАЯГТ №5
ИЖ БҮРДЛИЙН МАЯГТ

Энэхүү баримт бичгийн холбогдох заалт	Саналын иж бүрдэл	Шаардлага хангасан болон материалыг бүрдүүлсэн бол ✓ тэмдэглэгээ хийнэ.	Хуудасны дугаар
2.6.1.	Сонгон шалгаруулалтад оролцох өргөдлийн маягт №1-ийн дагуу албан бичиг.		
2.6.2.	Хуулийн этгээдийн хүчин төгөлдөр дүрмийн хуулбар.		
2.6.4.	Өргөн нэвтрүүлгийн тухай хуулийн 7.3.5-д заасныг үндэслэн төлөөлөн удирдах зөвлөл, удирдлагын багийн бүрэлдэхүүний танилцуулгыг маягт №6-ийн дагуу.		
2.6.5.	Өргөн нэвтрүүлгийн тухай хуулийн 19.2.1, 19.2.2, 19.2.3-д заасан эзэмшлийн талаарх мэдээллийг маягт №7-ийн дагуу.		
2.7.1.	Телевизийн үйлчилгээ эрхлэх хүний нөөц, техник, эдийн засгийн тооцоолол, өрсөлдөөн, зах зээлд үзүүлэх нөлөөллийг тооцсон судалгаа бүхий батлагдсан 5 жилийн стратеги төлөвлөгөө, түүнийг хэрэгжүүлэх хугацааны хуваарийг маягт №4-ийн дагуу		
2.8.1	Үйлчилгээ эрхлэхэд шаардлагатай хөрөнгө оруулалтын эх үүсвэр, санхүүгийн чадавхыг бүрэн нотлох баримтууд. Үүнд: 2.9.1 а, б, в.		
2.8.2.а.	Үйлчилгээ эрхлэхэд шаардлагатай мэргэжлийн хүнийнөөцийг бүрдүүлэх төлөвлөлтийг маягт №2-ын дагуу		

2.8.2.6.	Инженер техникийн ажилтнуудын диплом, мэргэжлийн үнэмлэхний хуулбар.		
2.8.3.а.	Студи, техник, тоног төхөөрөмж, дамжуулалтын төлөвлөлт, холболтын схем зураглал.		
2.8.3.б	Төлөвлөсөн техник, тоног төхөөрөмжийн үндсэн үүрэг, үзүүлэлт, зориулалтыг тодорхойлсон жагсаалтыг маягт №3-ын дагуу.		
2.9.1.	Өргөн нэвтрүүлгийн тухай хуулийн 31 дүгээр зүйлийн 31.3.2-т заасан Редакцын бодлого, дүрэм		
2.9.2.	Өргөн нэвтрүүлгийн тухай хуулийн 10.8.4, 23 дугаар зүйлийн 23.5-д заасан хөтөлбөрт тавигдах шаардлагыг хэрхэн хангаж ажиллах талаарх төлөвлөлт, хөтөлбөрийн бүтэц		

МАЯГТ №6

**ТӨЛӨӨЛӨН УДИРДАХ ЗӨВЛӨЛ, УДИРДЛАГЫН БАГИЙН БҮРЭЛДЭХҮҮНИЙ
ТАНИЛЦУУЛГА**

(ТУЗ-ийн гишүүд, компанийн ТУЗ-ийн нарийн бичгийн дарга, хяналтын зөвлөлийн гишүүд, Ерөнхий захирал, Гүйцэтгэх захирал, Дэд захирал гм, Ерөнхий нягтлан, Удирдлагын баг, Менежер болон бусад эрх бүхий албан тушаалтан, бусад удирдлагын багийн гишүүн)

д/д	Албан тушаал	Эцэг /эх/- ийн нэр, өөрийн нэр	Регистрийн дугаар	Иргэний харьяалал, Улс	Байнга оршин суугаа газрын хаяг
	1	2	3	4	5
1					
2					
3					
4					
5					
6					
7					
8					
...					

МАЯГТ №7

ХУУЛИЙН ЭТГЭЭДИЙН ЭЗЭМШЛИЙН ТАЛААРХ
МЭДЭЭЛЭЛ ХҮЛЭЭН АВАХ МАЯГТ

1.	Өргөдөл гаргасан огноо:	
2.	Хуулийн этгээдийн регистрийн дугаар:	
3.	Хуулийн этгээдийн нэр:	
4.	Үүсэн байгуулагдсан огноо:	
5.	Нийт хувьцаа эзэмшигчийн тоо:	

6. Хувьцаа эзэмшигчийн мэдээлэл:

Хувьцаа эзэмшигчийн овог, эцэг /эх/- ийн нэр, өөрийн нэр /хуулийн этгээд бол хуулийн этгээдийн нэр*/	Регистрийн дугаар	Харьяа- лал	Хувьцааны тоо, төрөл (ширхэг)		Эзэмшиж буй хувьцаа нийт үнэ (төгрөг)	Хувьцаа нд эзлэх хувь
			Энгийн	Давуу эрхийн		
1	2	3	4	5	6	7
1. Эзэмшигч #1						
2. Эзэмшигч #2						
3. Эзэмшигч #n						

**Хэрэв хувьцаа эзэмшигч нь хуулийн этгээд бол хуулийн этгээдийн өмчлөлийн бүтцийн зураглалын үргэлжилсэн хэлхээ холбоог хуулийн этгээд тус бүрээр 6.1 хүснэгтийн дагуу мэдүүлнэ. Үргэлжилсэн бүх хэлхээ холбоонд эцсийн өмчлөгч хүн хүртэлх мэдээллийг бүрэн бичнэ./*

6.1 Хуулийн этгээд (1, 2, ...n)-ийн нэр:

Хувьцаа эзэмшигчийн овог, эцэг /эх/- ийн нэр, өөрийн нэр /хуулийн этгээд бол хуулийн этгээдийн нэр*/	Регистрийн дугаар	Харьяа- лал	Хувьцааны тоо, төрөл (ширхэг)		Эзэмшиж буй хувьцаа нийт үнэ (төгрөг)	Хувьцаа нд эзлэх хувь
			Энгийн	Давуу эрхийн		
1	2	3	4	5	6	7
1. Эзэмшигч #1						
2. Эзэмшигч #2						
3. Эзэмшигч #n						

**Хэрэв хувьцаа эзэмшигч нь хуулийн этгээд бол хуулийн этгээдийн өмчлөлийн бүтцийн зураглалын үргэлжилсэн хэлхээ холбоог хуулийн этгээд тус бүрээр 6.2 хүснэгтийн дагуу мэдүүлнэ. Үргэлжилсэн бүх хэлхээ холбоонд эцсийн өмчлөгч хүн хүртэлх мэдээллийг бүрэн бичнэ./*

6.2 Хуулийн этгээд (1, 2, ...n)-ийн нэр:

Хувьцаа эзэмшигчийн овог, эцэг /эх/-ийн нэр, өөрийн нэр /хуулийн этгээд бол хуулийн этгээдийн нэр*/	Регистрийн дугаар	Харьяалал	Хувьцааны тоо, төрөл (ширхэг)		Эзэмшиж буй хувьцаа нийт үнэ (төгрөг)	Хувьцаанд эзлэх хувь
			Энгийн	Давуу эрхийн		
1	2	3	4	5	6	7
1. Эзэмшигч #1						
2. Эзэмшигч #2						
3. Эзэмшигч #n						
...						

** Хэрэв хувьцаа эзэмшигч нь хуулийн этгээд бол хуулийн этгээдийн өмчлөлийн бүтцийн зураглалын үргэлжилсэн хэлхээ холбоог хуулийн этгээд тус бүрээр 6.2 хүснэгтийн дагуу НЭМЖ мэдүүлнэ. Үргэлжилсэн бүх хэлхээ холбоонд эцсийн өмчлөгч хүн хүртэлх мэдээллийг бүрэн бичнэ./*

7. Эрх бүхий албан тушаалтны жагсаалт:

[Компанийн тухай хуулийн 84 дүгээр зүйлийн 84.1: Компанийн төлөөлөн удирдах зөвлөл, гүйцэтгэх удирдлагын багийн гишүүн, гүйцэтгэх захирал, санхүүгийн албаны дарга, ерөнхий нягтлан бодогч, ерөнхий мэргэжилтэн, төлөөлөн удирдах зөвлөлийн нарийн бичгийн дарга зэрэг компанийн албан ёсны шийдвэрийг гаргахад болон гэрээ, хэлцэл хийхэд шууд болон шууд бусаар оролцдог этгээдийг компанийн эрх бүхий албан тушаалтанд тооцно. 84.2: Компани өөрийн онцлогтоо тохируулан эрх бүхий албан тушаалтны жагсаалтыг компанийн дүрэмдээ заасан байна.]

Овог, эцэг /эх/-ийн нэр, нэр	Иргэний харьяалал	Албан тушаал
1.		
2.		
3.		

8. Хуулийн этгээд, түүний хувьцаа эзэмшигч, өмчлөгчийн өргөн нэвтрүүлгийн үйлчилгээ эрхлэх тусгай зөвшөөрөлтэй бусад хуулийн этгээдэд* эзэмшиж байгаа хувьцаа, хувь хэмжээ:

**/хэрэв нөхөрлөл бол 8.1 хүснэгтийг мэдүүлнэ./*

Хуулийн этгээдийн нэр, хэлбэр (ХХК, ХК, ...)	Хуулийн этгээдийн регистрийн дугаар, үүсэн байгуулагдсан огноо	Нийт хувьцаа эзэмшигчийн тоо	Эрхлэх үйл ажиллагаа (дүрэмд зааснаар)	Эзэмшиж байгаа хувьцааны тоо, төрөл (ширхэг)		Хувьцаанд эзлэх хувь
				Энгийн	Давуу эрхийн	
1	2	3	4	5	6	7
1.						
2.						

3.						
...						
...						
8.1 Өргөн нэвтрүүлгийн үйлчилгээ эрхлэх тусгай зөвшөөрөлтэй нөхөрлөлд оруулсан эд хөрөнгийн хэмжээ:						
Нөхөрлөлийн нэр, хэлбэр (Бүх гишүүд нь эсвэл зарим гишүүд нь бүрэн хариуцлагатай, эсвэл хязгаарлагдмал хариуцлагатай)	Хуулийн этгээдийн регистрийн дугаар, үүсэн байгуулагдсан огноо	Нийт гишүүний тоо	Эрхлэх үйл ажиллагаа (дүрэмд зааснаар)	Үүсгэн байгуулах гэрээнд заасан нөхөрлөлийн нийт эд хөрөнгө (төгрөг)	Үүнээс мэдээлэл гаргагчийн оруулсан эд хөрөнгө (төгрөг)	
1	2	3	4	5	6	
1.						
2.						
3.						
9. Хуулийн этгээдийн эзэмшиж буй өргөн нэвтрүүлгийн үйлчилгээ эрхлэх тусгай зөвшөөрлийн нэр, төрөл, тоо:						
Эзэмшиж байгаа тусгай зөвшөөрлийн төрөл			Олгогдсон огноо	Шийдвэрийн дугаар		
1.						
2.						
3.						
...						
10. Хуулийн этгээдийн эрхлэх үйл ажиллагаа (дүрэмд зааснаар):						
11. Нэмэлтээр өгөх тайлбар, мэдээлэл байвал ирүүлэх:						

Өргөдөл гаргаж байгаа эрх бүхий этгээд нь эзэмшлийн талаарх мэдээллийг үнэн зөв, бүрэн гүйцэд гаргаж ирүүлэх үүрэгтэй бөгөөд мэдээллийн үнэн зөвийг хариуцна.

/Хуулийн этгээдийн
тэмдэг/

/Гарын үсэг/

МАЯГТ №8**СОНГОН ШАЛГАРУУЛАЛТЫН САНАЛ ХҮЛЭЭН АВСАН ТУХАЙ ТЭМДЭГЛЭЛИЙН
МАЯГТ**

Сонгон шалгаруулалтын нэр:	
Сонгон шалгаруулалтын дугаар:	

Сонгон шалгаруулалтад оролцогч хуулийн этгээдийн нэр:	
Сонгон шалгаруулалтын санал ирүүлсэн огноо, хугацаа:	
Сонгон шалгаруулалтын санал хүлээлгэн өгсөн хүний нэр, албан тушаал:	
Холбоо барих утас:	
Баталгаажуулалт: /гарын үсэг /	

Сонгон шалгаруулалтын санал хүлээн авсан хүний нэр, албан тушаал:	
Хүлээн авсан огноо, хугацаа:	

МАЯГТ №9**СОНГОН ШАЛГАРУУЛАЛТЫН НЭЭЛТИЙН ТЭМДЭГЛЭЛИЙН МАЯГТ**

Сонгон шалгаруулалтын нэр:	
Сонгон шалгаруулалтын дугаар:	

Сонгон шалгаруулалтын санал хүлээн авах эцсийн хугацаанд буюу 2026 оны ... дугаар сарын ...-ний өдрийн 11 цаг 00 минутаас өмнө ирүүлсэн оролцогчдын саналыг мөн өдрийн 11 цаг 30 минутад нээж, дор дурдсан мэдээллийг зарлаж тэмдэглэв.

№	Сонгон шалгаруулалтад оролцогчийн нэр	Саналын бичиглэл	Саналын битүүмжлэл	Нээлтэд оролцсон хүний нэр, албан тушаал	Гарын үсэг
1					
2					
3					
4					
5					
6					
7					
8					
9					
10					
...					

МАЯГТ №10

НУУЦ ХАДГАЛАХ БАТАЛГААНЫ МАЯГТ

(Энэхүү баталгааг АрТВ-Орон нутаг-2026 дугаартай “Говь-Алтай, Говьсүмбэр, Дундговь, Сэлэнгэ аймгийн нутаг дэвсгэрт арилжааны телевизийн үйлчилгээ эрхлэх тусгай зөвшөөрөл олгох сонгон шалгаруулалт”-ыг зохион байгуулах үнэлгээний ажлын хэсгийн гишүүн бүр гаргана.)

Нууц хадгалах баталгаа гаргасан огноо	
Нууц хадгалах баталгаа гаргагчийн овог, нэр	
Сонгон шалгаруулалтын дугаар	
Үнэлгээний ажлын хэсэгт томилсон шийдвэрийн огноо, дугаар	

Ажлын хэсгийн дарга/гишүүн/нарийн бичиг _____ овогтой _____ би сонгон шалгаруулалтад оролцогчдийн саналтай танилцах болсонтой холбогдуулан энэхүү нууцлалын баталгааг гаргаж байна.

Миний бие “Байгууллагын нууцын тухай хууль”-ийн 7 дугаар зүйлд заасан дагуу сонгон шалгаруулалтад оролцогч байгууллагын нууц мэдээлэлтэй танилцах эрх бүхий этгээдээр томилогдсоноо ухамсарлан, албан үүргийнхээ дагуу танилцсан, эсхүл олж мэдсэн нууцыг зөвхөн хууль тогтоомжид заасан үндэслэл, журамд нийцүүлэн ашиглах бөгөөд бусдад задруулахгүй байх үүрэгтэй болохоо үүгээр баталгаажуулж байна.

Энэхүү нууц мэдээлэл гэдэгт Байгууллагын нууцын тухай хуулийн 7.3-д заасанчлан “хууль тогтоомж зөрчиж нууцалсан байгууллагын нууц мэдээлэл” хамаарахгүй болно.

Нууцлалын баталгаа гаргасан:

Үнэлгээний ажлын хэсгийн гишүүн: _____ /..... /

АШИГ СОНИРХЛЫН ЗӨРЧИЛГҮЙ ГЭДГЭЭ ИЛЭРХИЙЛЭХ, ЗӨРЧИЛ ҮҮССЭН ТУХАЙ МЭДЭГДЭЛ

Ургийн овог:	Эцэг (эх)-ийн нэр:	Нэр:
Албан тушаал:	Ажиллаж байгаа байгууллага:	
Албан тушаалд томилогдсон он, сар, өдөр:	Байгууллагын хаяг:	
Албан үүргийн төрөл:	Тайлбар:	

Хоёр. Сонирхлын зөрчилгүйг илэрхийлсэн байдал

би дээрх хүснэгтэд тодорхойлсон албан үүргээ гүйцэтгэхэд Нийтийн албанд нийтийн болон хувийн ашиг сонирхлыг зохицуулах, сонирхлын зөрчлөөс урьдчилан сэргийлэх тухай хуульд заасан сонирхлын зөрчилгүй болохыг үүгээр мэдэгдэж байна.

Нийтийн албан тушаалтан би дээрх хүснэгтэд тодорхойлсон албан үүргээ гүйцэтгэх хүрээнд:

☐ гэрээ хэлцэл, хэлэлцээрийн оролцогч, эсхүл зээл, хандив, тусламж, үйлчилгээг хувь хүн, хуулийн этгээдээс авч байсан /байгаа/-тай холбогдуулж үүрэг хүлээсэн гэх:

☐ байгууллага, хуулийн этгээдэд ажиллаж байсан, гишүүнчлэлтэй, эсхүл төлөөлөл хэрэгжүүлж байсан /байгаа/ гэх:

☐ Бусад /сонирхлын зөрчилтэй бусад нөхцөл байдал/:

нөхцөл байдал бий болсон гэж үзэж Нийтийн албанд нийтийн болон хувийн сонирхлыг зохицуулах, сонирхлын зөрчлөөс урьдчилан сэргийлэх тухай хуулийн 8 дугаар зүйлийн 8.2 дахь хэсэгт заасны дагуу сонирхлын зөрчил үүссэнийг мэдэгдэж, албан үүргээ гүйцэтгэхээс татгалзаж байна.

Дөрөв.Баталгаажуулалт.

Би нийтийн албан хаагчийн үүргээ чанд ухамсарлан энэхүү мэдэгдлийг үнэн зөв гаргасан болохоо үүгээр баталгаажуулж байна.

/...../

үсгийн тайлал/

/албан тушаал/

/гарын үсэг/

/гарын

... он ... сар ... өдөр

Шийдвэрлэсэн байдал

Ашиг сонирхлын зөрчил үүссэн тохиолдолд албан тушаалтныг албан үүргээ гүйцэтгэхийг зөвшөөрөх эсэх Тийм ☐ Үгүй ☐

Хэрэв "Тийм" бол шалтгааныг тэмдэглэнэ үү.

☐ Тухайн албан үүргийг гүйцэтгэх өөр албан тушаалтан байхгүй

☐ Дээд шатны байгууллагаас өөр албан тушаалтан томилон ажиллуулах боломжгүй

☐ Мэргэжлийн өндөр мэдлэг, ур чадвар шаардагдсан албан тушаалтан байхгүй

Баталгаажуулалт:

/...../

үсгийн тайлал/

/албан тушаал/

/гарын үсэг/

/гарын

... он ... сар ... өдөр